

福建續志卷三十七

理學三

泉州府

宋

曾恬字天隱晉江人少刻苦勵學從楊時謝良佐遊得存心養性之旨紹興中舉進士累官大宗正丞秦檜當國恬不為屈求外祠主管台州崇道觀著有上蔡語錄二卷道南源委陳研字叔幾晉江人登乾道進士第官臨汀令上疏乞弛計口鬻鹽之禁且請置寨柳陽圃以備鹽盜

福建續志

卷三十七

理學三

一

詔從之時權貴欲排擊故相將引為御史研曰公議不可犯故相不可彈以忤去提點湖南刑獄永州豪殺人賄吏抑死者家為誣研平反之徙計度轉運使屬故有鐵纜錢研曰鐵纜久廢何用為悉去之遷起居郎卒著有易詩書禮記解泉州府志

楊炳字若晦晉江人少力學精左氏傳登淳熙進士以薦為國子監錄遷左司諫論治賊吏當自大吏始又乞節宮中浮費嘗曰大臣不為私則小臣不敢干以私臺諫不為私而後可責人以私歷官權吏部尚書丐外除寶謨閣直學士奉祠卒年八十



一著易說禮記解西掖類稿諫垣存稿泉州府志

陳震晉江人淳熙進士令新建以帑積舊券代下戶

輸租歷知韶州遷太府丞奏減二廣丁錢奉祠卒

著春秋解史編雜著數十卷道南源委

王力行字近思同安人事朱熹熹稱其明敏勉以退

求為已由是勤學善問悉得旨趣著朱氏傳授支

派圖文公語錄道南源委

楊至字至之晉江人受業朱熹之門作天道至德聖

人至教圖末言君子法天從政如風動以教善雷

擊以懲奸蔡元定竒之妻以女所記有文公語錄

福建續志 卷三十七 理學三 二

二卷泉州府志

傅伯成字景初晉江人從朱熹學登隆興進士知連

江縣以慈惠稱遷太府寺丞疏言呂祖儉不當以

上書貶朱熹不當日以偽學又言朋黨之弊起於

人主好惡之偏坐是出知漳州以律已愛民為本

累遷工部侍郎時韓侂胄議開邊語尚秘伯成言

天下之勢譬如乘舟歲月既久罅漏寔多苟安且

夕猶懼覆敗乃欲徼倖圖古人之所難臣則未之

知也相府災同列相率往唁或以為偶然伯成正

色曰天意如此正官師相規時也以為偶然可乎



宰相色動遂陳三事一日失人心二曰隳軍政三曰啓邊釁言甚切改右司郎中出爲湖廣總領朝議欲納金人之叛降者伯成言不宜輕棄信誓乞戒將帥毋使生事御史中丞鄧友龍劾罷之嘉定初除戶部侍郎左諫議大夫在職五十餘日而抗疏十三皆軍國大議或致史彌遠意欲使有所彈劾將引以共政伯成謝曰吾豈傾人以為利者疏乞詔大臣以公減私左遷權吏部侍郎出知建昌鎮江二府致仕歸寶慶時加寶文閣學士提舉祐神觀奉朝請時大理寺評事朝夢昱坐論諫貶遂

福建續志

卷三十七

理學三

三

抗疏言陛下以共工驩兜之罪加之言事之臣今廷臣無一人論救萬一貶者死於瘴癘陛下有殺諫臣之謗史策書之有累聖治不報明年加龍圖閣學士提舉鴻慶宮伯成性資純實表裏洞達每稱人善不啻已出語及奸人誤國害正則詞色俱厲疾革猶手草遺奏卒年八十四贈開封府儀同三司謚忠簡著有竹隱居士集三十卷奏議十卷

耄志六卷

泉州府志

張巽字子文惠安人父寓嘗與張栻共學栻講學長沙遣巽從之及歸杜門養晦人空知者時朱熹之



學大行於泉如楊至陳易輩稱清源別派惠安劉鏡字叔光熹弟子也巽間從之遊因得所聞於熹然疑晦菴之教不止是乃走武夷謁熹以所嘗與棧講論中和之旨告之熹曰此某與南軒晚年畫一功夫也臨別乃教之曰南軒記嶽麓某記石鼓合而觀之知所用力矣巽涵養體察久益明淨或勸其著述曰尊所聞則高明行所知則光大吾於聞之功未盡敢妄作哉築草堂於錦溪之上學者稱錦溪先生

泉州府志

許升字順之同安人朱熹爲同安簿升從之遊天性

福建續志

卷三十七

理學三

四

恬澹不以物欲累心熹語錄多載其問答之語後復從熹於建陽所學益進旣卒熹深惜之有孟子

說易解禮記文解

泉州府志

薛舜俞字欽父同安人紹熙進士除南劍州教授未

上三府交薦差江西漕司幹官尋罷起江東常平

幹官與其長李道傳賑荒多全活改知金華縣時

守督宿逋苛峻舜俞引義力爭請寬期示信民以

樂輸罷歸卒著有易抄詩書指文集行世

道南源委

蔡和字廷傑晉江人慕朱熹之賢以親老不獲往從乃勸陳易愛業自以書從易請質無虛日居白石



村喪祭遵古禮鄉閭化之稱白石先生先是泉士  
專經泥章句自和及北溪陳淳往來講授一時如  
鄭思忱思永蘇思恭王次傅卓琮王雋黃一翼江  
與權黃必昌皆從淳學繇是關洛考亭之書家誦  
人習理義之盛號爲紫陽別宗云

泉州府志

楊景隆字伯淳晉江人開禧進士官建寧司法參軍  
博學淵深講授經史學者嘗數百人著有春秋漢

唐通鑑史志解

道南源委

鄭思忱字景千安溪人嘉定中以詞賦領鄉薦中第  
爲新興令除遺利錢三百萬知崇安縣復均惠倉

福建續志

卷三十七

理學三

五

以譖左遷浦城丞謁真德秀德秀察其賢爲言於  
太守得復任尋知南恩州浙東參議因雷變上封  
事言士溺苞苴民困且盜宜去貪恤民節用蓄力  
除監登聞鼓院卒所著有詩書釋弟思永字景修

從蔡和遊和妻以女著有易說

泉州府志

蘇思恭字欽甫晉江人學行堅確時然後言嘉定中  
以禮部奏名方候廷對聞有朞喪亟歸後登進士  
第除興化軍教授以理義革詞華士風丕變調韶

州教授卒著有省齋集

泉州府志

呂大奎字圭叔同安人學於陳淳盡屏詞章以致知



力行爲務登淳祐進士累官吏部侍郎出知興化軍捐俸錢代輸中戶以下賦著莆陽拙政錄德祐初改知漳州時蒲壽庚降元脇大奎署降表不從泥封所著書逃入海壽庚遣兵追及之遂見殺書室盡毀獨門人所傳學易管見易經集解春秋或問行於世人稱樸鄉先生

泉州府志

呂中字時可晉江人淳祐進士教授肇慶府除國史實錄院檢閱上疏言當去小人之根革賊吏之弊遷國子監丞兼崇政殿說書言人能正心則事不足爲人君能正心則事不足治又請進講經史並

福建續志

卷三十七

理學三

六

依正文不宜節貼避忌理宗嘉納之子給歸尋召爲秘書丁大全忌其直出知汀州召復舊官主管成都玉局觀卒著演易圖論語講義皇朝大事記

治迹要略

泉州府志

黃巖孫字景傳惠安人寶祐進士授仙谿尉一以義理之學爲政先是段全凌景陽尉仙谿巖孫作思賢堂且記曰事俗而不自爲俗者學充於事也官卑而不自爲卑者人大其官也咸淳中知尤溪縣新南溪書院建四齋及講堂以棲學者疏朱熹太極通書西銘解三篇及其與問答語凡諸儒之說



申以已意會粹成編名曰輯解尋守福州校刊  
德秀讀書記學者宗之

道南源委

元

邱葵字吉甫同安人少慕程朱之學親炙呂大奎最  
久宋末廢科舉杜門厲學不求人知所著有易解  
義既濟圖書直解詩口義春秋通義四書口講周  
禮補亡蒲壽庚叛降元葵益自韜晦元遣御史馬  
伯庸來徵以種圃自匿已又率達魯花赤賫幣就  
聘其家竟力辭伯庸等取遺書以去今存周禮補

亡及鈞磯詩集

元儒言行錄

福建續志

卷三十七

理學三

七

明

蔡清字介夫晉江人少從林珙學易盡得肯綮舉成  
化進士卽乞假歸講學尋授禮部主事王恕長吏  
部雅重之調稽勲主事恒訪以時事清乃上二札  
一請振紀綱一薦劉大夏等三十餘人恕皆納用  
除祠祭司員外郎改南京文選郎中一日心動急  
乞假養父兩月而父卒正德初起家江西提學副  
使宸濠驕恣遇朔望諸司先朝王次日謁文廟清  
不可先廟而後王王生辰令諸司以朝服賀清曰  
非禮也去蔽膝而入王積不悅會王求復護衛清



有後言王欲誣以詆毀詔旨遂乞休去尋起南京國子祭酒命甫下卒嘉靖時子存遠以所著易經四書蒙引進於朝追贈禮部侍郎謚文莊門人陳琛王宣易時中林同趙遠蔡烈並有名明史

易時中字嘉會晉江人舉鄉薦授東流教諭遷夏津知縣有惠政稍遷順天府推官以治胡守中獄失要人意將中以他事遂以終養歸道出夏津老稚爭獻果脯將別有哭失聲者母年九十一而終時中七十矣毀不勝喪而卒明史

趙珪字德用晉江人少孤銳學登成化進士授刑部

福建續志

卷三十七

理學三

八

主事擢廣東提學僉事道經故里時羅倫謫官泉州造珪講學終日乃去至廣東訪陳獻章質以學問獻章更號海雲珪輒止之謂其流於禪號獻章曰羅一峰死僕以爲自今後不復有如一峰者今乃有執事也尋卒於官珪平生尚氣節重名教造

詣淵邃學者尊之

泉州府志

林同字宜正晉江人從學蔡清舉宏治鄉薦歷樂陵丹徒萬載教諭遷金華府教授所至爲上官器重擢兩浙轉運判官分司永嘉永嘉多宦豪兼并隱射爲利同疏言鹽場疆界不均爲窮下戶病宜急



審覈凡四上得允嘗解課至太倉得羨餘同白貯  
部戶部尚書梁材素廉介亟稱之張璉家海上懼  
賊繹騷御史希璉意環築二十里為沙城所費不  
貲同召父老詢之曰謂城便者左不便者右衆咸  
右因持議忤御史遂致仕歸沙城亦竟寢同節概  
健勁論義理政事率中官蔡居徒四壁與野老談  
農事足絕城邑著有正學錄龍峰遺集泉州府志  
王宣字子鍾晉江人宏治中舉於鄉一赴會試不第  
以親老不再赴受業蔡清之門嘗論學者合朱陸  
為一卽非真知為人廓落豪邁俯仰一世精研前

福建續志

卷三十七

理學三

九

聖之遺洞貫百家之旨林希元稱其有自得之學

絕俗之行明史參道南源委

陳琛字思獻晉江人正德進士從蔡清遊為學先得  
大旨初若不由階序而工夫細密造詣醇深授南  
京戶部主事監權淮安革私弊弛厲禁人稱便焉  
調考功主事以母老乞歸養足跡不入城市闢斗  
室朝夕偃仰其間靜觀天地萬物之變唱然自得  
人莫能測其意也起貴州提學僉事尋改江西皆  
力辭卒於鄉著有易理通典四書淺說皆推明朱  
傳學者宗之初蔡清以深微實踐之學教人門人



或得其言語而未悉其精微或能究其精微而不必見諸實踐出處去就悉合於義無愧師門者環一人而已

明儒言行錄

史于光字中裕晉江人家貧勵志讀書孝事二親親歿江水漂其柩于光號泣奔緣柩掛於樹獲免人以為孝感云領正德鄉薦不赴春官曰仕不逮親奚亟為繼成進士選庶吉士改吏科給事中時議大禮于光據張璁疏條折款辨之不報以疾歸居家博極羣書作易解四書解正蒙解寒暑不輟夜不息燈有所得即起書之越四年起原官卒歷仕

福建續志

卷三十七

理學三

十

十餘載囊罄無以為歛

泉州府志

張岳字維喬惠安人正德進士授行人武宗不豫居豹房與閹嬖同臥起岳疏請九卿科道入直嘗藥防他虞不報武宗已南巡岳與同官疏諫詔下獄廷杖謫南京國子監學正世宗嗣位復故官歷主客郎中時方議大禘所自出之帝無主名張璁欲傳會以實其人禮官唯唯岳請第以皇初祖設位璁不從而上意如岳所言璁忌之出為廣西提學僉事行部柳州軍闕餉大譁城閉五日岳令啓門召詰譁者予餉去尋以計禽首惡置諸理入賀改



提學江西不謝璉璉摘岳廣西選貢事謫廣東鹽課提舉遷知廉州督民墾棄地教以桔槔運水廉民多盜珠池岳居四年未入一珠暇進諸生講授時帝使使詰安南莫登庸弒主岳言於總督張經曰莫氏篡黎可不勘而知也請留使者毋前經不可知欽州林希元上書請討之岳上不可討六事貽執政不報毛伯溫來視師經以軍事委岳會遷浙江叅政安南人扣關言張廉州安在是欲以恩信撫我也經奏留之改廣東叅政安南平詔賜金幣尋以征瓊州叛黎功擢僉都御史巡撫鄖陽移

撫江西大學士夏言築賜塋監司議廣信七邑各致千金岳曰是將範金爲柳乎乃減之嚴嵩奉詔建延恩閣岳復減其費嵩銜之進兵部右侍郎總督兩廣破封川馬平獯猺諸賊將召爲刑部侍郎御史徐南金言岳忠純兩廣不可一日無岳乃不果召又平連山賀縣諸賊進右都御史總督湖廣四川貴州軍務討龍許保斬渠寇五十三人以捷聞許保復亂嚴嵩故憾岳欲逮治之徐階不可乃奪右都御史平破黑苗卒於沅州迎哭者不絕贈太子少保諡襄惠岳宏毅淵默博覽工文章經術



湛深學以程朱爲宗作學則首存養之要繼以禮義威儀之節而求端於未發以爲之本嘗與王守仁論明德親民之旨守仁曰明德之功只在親民後人分爲兩事非也岳曰戒懼慎獨皆未與民親之功如公言又須立一親民之本以補之守仁不能屈所著有小山類稿聖賢正傳恭敬太訓載道

集

明儒言行錄

林希元字茂貞同安人正德進士授南京大理評事嘉靖初上疏言君道急務有六曰務正學親正人用舊臣清言路急交修持久大而息內臣機務罷

福建續志

卷三十七

理學三

三

其鎮守尤亟上嘉納之尋以議獄忤大吏降判泗州泗大饑希元悉心救賑民賴全活以巡按御史偕待希元棄官歸方獻夫霍韜薦之起寺正遷廣東僉事奏屯鹽款要及以泗州所行爲荒政叢言上命頒行天下改督學政按察使劇寇王基剽掠廣惠希元討平之召爲南京大理寺丞上疏陳王政爲目二十一皆切當世之務改丞北京大同軍叛殺主帥希元請誅之廷議不從遼東兵告變希元又言朝廷過爲姑息致其驕侮威令不行請知欽州時安南不脩歲貢上命征之希元悉其國虛



實向背以興復疆土爲已責疏六上而在廷方圖  
安靖第受其欵然卒以希元故納還欽州舊地擢  
廣東僉事備兵海北竟坐安南用兵事罷官卒希  
元讀書刻苦經濟過人晚訂諸儒大學格物致知  
之說附以已見曰更正大學經傳定本併著四書  
存疑行於世

明儒言行錄

蔡元偉字伯瞻晉江人領嘉靖鄉薦需銓入都同邑  
周天佐以疏救楊爵瘦死獄中人莫敢往視元偉  
哭臨之作文以祭授羅田學教諭擢德安令邑故  
衝繁多逋租元偉至一以節愛爲本日誦小學近

福建續志

卷三十七

理學三

三

思錄伊洛淵源錄本朝薛瑄胡居仁粹言雖聽事  
未嘗去手遷杭州府通判時寇氛方熾元偉乘城  
獨開門縱避寇數千人入城賴以全活總督趙文  
華至嘉興委督軍餉人或勸之求通曰死生榮辱  
命也吾肯以貨免乎卒不往文華亦終無害意擢  
撫州同知督樂安逋糧悉去鞭笞民相繼輸納縣  
獄久壞時多癘疫元偉更作新獄縱囚歸獄成囚  
如期至復署崇仁令遇賊突至元偉督兵率戰賊  
遁散丁外艱歸服除不出或勸之仕曰仕以行道  
亦爲親今親終矣何仕爲平居爲學以程朱爲宗



所致力在起居動靜語默辭受取予之際作日歷以識平生名考德錄又著四書折衷四書論者易經聚正等書

道南源委

林性之字帥吾晉江人以易著名舉嘉靖進士授麗水知縣性之古心質行不立聲威民苦樂皆得相告掾吏有過俟其自悔以哀矜聽獄訟民皆愛之遷南京戶部主事尋分司密雲酌其中額法不便者申白之拊循堡卒邊人感悅遷員外郎出監天津倉值寒凍道阻軍食不繼請借德州倉給三月食從之改南京戶部郎中卒性之精思篤學行尚

福建續志

卷三十七

理學三

古

平恕族人不能婚葬者割田給之葬父布車蔬粥空周於棺哭泣悲哀人稱其孝著有易經淺說若

千卷

泉州府志

楊道會字惟宗晉江人隆慶進士授黃巖令有惠政歷遷工部郎中出知台州巖民襁負道迎不絕遷廣西提學副使攝監司篆視學之暇平府江岑溪諸徭既成功嘆曰徭雖平吏墨而刻豪蠹而侵此亂本也其可勿問遷湖廣叅政轉右布政使值楚宗獄起道會但罪首禍多所省釋曰大家巨族且厚本支况天潢乎因入覲乞歸道會貞而不諒和



而不流生平不齒榮利未嘗一至權門嘗言理學盡於性理往鑑備於綱目因取性理精言採入程朱全書近思錄爲性理抄修史依春秋綱目例纂成自作論贊有史綱節要行世道南源委王畿字翼邑晉江人少值寇警父繫於賊畿犯險請代不得父母亡田廬盡失竭蹶事祖父母耕樵之暇諦聽鄉塾讀書聲欣然有得丐書而熟復之遂通諸經登萬歷進士授餘干令不赴改紹興教授與諸生講易屢恒滿攝上虞令導民不爭新令至解歸士民環遮馬首遷國子監博士轉戶部主事

福建續志

卷三十七

理學三

五

督太倉藉羨米十萬斛上官竒之將薦焉固辭尋遷杭州知府值大饑殫心賑恤躬行勸課濬南湖湮塞數十處以資灌溉讞獄雪冤全活甚衆以天下治行第一用異等錫宴光祿命督學浙江姚江士施邦曜貧不能婚爲備聘奠鴈於堂後登第殉節世服其知人累遷浙江左布政使時邊事孔亟兵餉繹騷重以織造之役糜金錢逾百萬畿廉飭急公民以寧息以不能結納方廷推太常卿未下有劾其邊餉缺額者引疾丐歸益肆力於易由蔡清蒙引以窺程朱之秘所著有樗全集

泉州府志



國朝

李光地字晉卿安溪人年十四舉家陷賊中挾以邀金欲殺者屢終不懼聞卽讀書賊帥奇之囚得歸日誦六經性理蒙存諸書非程朱不敢言充然有得康熙庚戌成進士選庶吉士進河洛圖說拔第一授編修以親老歸養時耿逆叛福州鄭成功踞泉州光地遁深山與叔日烜謀具密疏言逆必敗狀爲蠟丸遣僕間道走京師以奏

王師入閩詔護其家擢侍讀學士赴闕至三山丁外艱歸白巾賊蔡寅聚衆萬餘人攻安溪光地募鄉

福建續志

卷三十七

理學三

六

勇設伏絕其糧道衆潰散臺灣寇鄭克塽圍泉州南北道塞光地陰戒僕人白水關入城語守者援兵且至人始有固志又分遣從兄光斗等迎將軍喇哈噠巡撫吳興祚諸師母弟光垕與賊遇三戰皆捷遂奪白鴿嶺導將軍入泉州圍解悉復諸縣以功遷內閣學士服闋入朝召問機務因言鄭氏可滅狀薦內大臣施琅多智畧習海上形勢琅果破克塽臺灣悉平歷翰林掌院學士充經筵講官改通政使兵部侍郎視學畿甸旋補工部侍郎巡撫直隸築子牙隄以障漳滏開柳埝以平桑乾民



賴其利晉吏部尚書拜文淵閣大學士奉

勅纂周易折中朱子全書性理精義屢疏乞歸尋  
召還

賜第南城卒年七十有七給祭葬謚文貞雍正中贈  
太子太傅追祀賢良祠光地無聲色之好衣食裁  
取粗給在政府久公誠懋著每決大事宏功若寂  
而民庶恬安遇

當宁求才所薦如衛旣齊陸隴其趙申喬徐元夢德  
格勒及門人楊名時李紱蔡世遠魏廷珍王蘭生  
皆當世名臣平居手不停披與門人講論有一言

福建續志

卷三十七

理學三

七

之合卽改已說而從之論者謂元明以來惟光地  
篤敬義之實學得誠明之正傳造詣邃密直抉未  
發之蘊著有周易通論觀象詩所洪範說中庸章  
段餘論大學古本說論孟劄記榕村文集語錄等

書

泉州府志

漳州府

宋

高登字彥先漳浦人精於易學本慎獨徽宗時與陳  
東等上書乞斬蔡京童貫王黼梁師成李邦彥朱  
勔六賊時建和議奪種師道李綱兵柄再抱書請



闕欽宗卽位擢吳敏張邦昌爲相敏又白用李邦彥登上書諫五上皆不報復論敏不報敏斥還鄉紹興初廷對盡言無所顧忌有司惡其直授下州文學有旨附五甲授廣東富州主簿憲臣董棻聞其名檄讞昭賀等郡獄兼賀州學事學故有田罷歸買馬登請復舊守曰買馬養士孰急登曰養士急耳守曰抗長吏耶曰天下所恃以治者禮樂法度也守不能奪命攝獄有囚殺人守欲免之登不可卒執法秩滿士民乞留不獲餽錢五十萬登辭不可請置學買書歸至廣新興大饑帥連南夫檄

福建續志

卷三十七

理學三

六

發廩賑濟復爲糜食之全活萬計民投牒乞留因奏辟終其任尋赴政事堂審察遂上疏萬言作蔽主蠹國害民各二篇上之高宗稱善秦檜惡其譏已格之授靜江古縣令道出湖州湖守汪藻留與修徽宗實錄固辭廣西帥沈晦問何以治縣登條十餘事晦曰此古人之政胡可行也對曰誠不至耳蠻貊可行也豪民秦琥遣子弟奪人財物侵貸學錢登白郡將寘之法琥忿而死古縣爲檜父舊治檜實生此帥胡舜陟欲爲構祠登不可舜陟怒登以母病去舜陟爲立祠遂撫琥事誣以專殺詔



送靜江獄值登母死舟中藁葬水次航海詣闕請  
納官贖罪人曰丞相云嘗識君能一見終身事且  
無憂登曰某知有君父而已既而中書奏納官贖  
罪無故事仍送靜江歸葬母訖詣獄舜陟先以事  
下獄死事白還家至廣漕帥鄭昂辟攝歸善令秋  
委考試潮州登摘經史要語命題策闈浙水災所  
由皆屬意時事檜聞大怒坐以舜陟所奏編管容  
州符下漳州登卽上馬謫居授徒自給聞朝廷政  
事少失輒輦感不樂大失則慟哭隨之臨卒所言  
皆天下大計丞相梁克家以聞追復迪功郎朱熹

福建續志

卷三十七

理學三

九

守漳建祠作記奏贈承務郎登事母至孝嘗舟行  
阻風母方念乏晨羞忽有白魚躍入母病思食鹿  
肉夜有虎啣鹿置門去所著有家論及東溪集

南道

源委

吳大成漳浦人紹興間秦檜柄國隱漸山石榴洞講  
明正學與陳俊卿林澤之歡聚賦詩乾道中奉檄  
湖湘往還京浙著有梅月詩卷筆義經疑傳藁

南道

源委

楊汝南字彥侯龍溪人紹興進士調贛州教授改廣  
州嘗掇詩春秋中庸要旨經說三十篇以授學者



仍表進于朝祭酒楊椿曰真師範也用薦改知古  
田縣修學舍置學田考德勵業士人德之與郡人  
高登廬陵楊萬里並以節義相砥自初仕卽以廉  
平公勤自勵故所至有聞嘗扁其堂曰不欺道南源委  
林宗臣字實夫龍溪人受業高登之門登乾道進士  
歷官主簿見陳淳趨向不凡心異之謂曰子所習  
者科舉耳聖賢大業則不在是因授以近思錄淳  
卒爲儒宗實公啓之也道南源委

鄭公敏字明之龍溪人幼孤苦學篤志乾道己丑登  
第歷福清簿有政聲以薦調古田教官嘗謁憲使

福建續志

卷三十七

理學三

三

楊萬里大奇之以理學見重於時著文集語錄傳  
世道南源委

王遇字子合龍溪人受業張栻呂祖謙之門而與廖  
德明黃幹陳淳友善登乾道進士官蘄州教授日  
與諸生講說漏下不輟以趙汝愚薦知長樂縣大  
修水利轉贛州通判韓侂胄當國遇不少貶求合  
侂胄敗召爲太學博士毗陵大旱命爲之守力講  
荒政民賴全活浙東大饑詔提舉浙東常平入對  
請齋戒以飭躬剛大以進德急聞直言以救闕失  
樂從公議以扶正道斷絕斜封墨勅之原常存視



民如傷之念至官留心賑濟如在毘陵累遷右曹郎中卒幹嘗稱其學識之精義利之明拔出流俗之表學者稱東湖先生著論孟講義兩漢博義道南

源委

黃樵仲字道夫龍溪人杜門著書登淳熙進士授永福尉調汀州錄事參軍有善政俸外一無所受自書屏云俸薄儉常足官卑清自尊致仕歸每旦率子弟衣冠見家廟退則默坐或至終日里有不義惟恐其知朱熹守漳稱其品質淳厚操履端方延致入學及聽其講小學再三稱善卒之日熹遣倅

福建續志

卷三十七

理學三

三

為經紀後事所著有禮記解小學口義

道南源委

黃樵字實夫樵仲從弟也家居及在太學弟子常數百人淳熙中以舍選入對升進士丙科授南劍教授以楊時之學為教嘉泰壬戌預校南宮取士原本經術號稱得人終宣教郎著有詩解中庸語孟

解文集

道南源委

余嘉字若蒙龍溪人淳熙進士任惠潯二州教授進聖域記特授浙西倉幹復進皇朝職官志高宗政範差監樞密院激賞庫進資時十論伏闕上書論韓侂胄又力沮和議復為古鑑錄以進又論邊事



進天文類例括象志改通直郎主管嶽祠所著周禮解禹貢考春秋地例增釋紀年錄雜論五音姓

譜

道南源委

陳淳字安卿龍溪人朱熹守漳淳請受教熹曰凡閱義理必窮其原如爲人父何止於慈爲人子何止於孝其他可類推也淳聞而爲學益力日求其所未至熹數語人以南來吾道喜得陳淳且稱其善問後淳復陳其所得時熹已寢疾語之曰如今所學已見本原所闕者下學之功爾自是所聞皆切要語凡三月熹卒淳追思師訓洞見條緒故其言

福建續志

卷三十七

理學三

三

太極曰太極只是理理本圓故太極之體渾淪以理言則自末而本自本而未一聚一散而太極無所不極其至自萬古之前與萬古之後無端無始此渾淪太極之全體也自其冲漠無朕與天地萬物皆由是出及天地萬物皆由是出又復冲漠無朕此渾淪無極之妙用也聖人一心渾淪太極之全體而酬酢萬變無非太極流行之用學問工夫須從萬事萬物中貫通湊成一渾淪大本又於渾淪大本中散爲萬事萬物使無少窒礙然後實體得渾淪至極者在我而大用不差矣其言仁曰仁



只是天理生生之全體無表裏動靜隱顯精粗之間惟此心純是天理之公而絕無一毫人欲之私乃可以當其名若一處有病痛一事有欠闕一念有間斷則私意行而生理息卽頑痺不仁矣其語學者曰道理初無元妙只在日用人事間循序用功便自有見所謂下學上達者須下學工夫到乃可從事上達然不可以此而安於小成也夫盈天地間千條萬緒是多少人事聖人大成之地千節萬目是多小工夫惟當開拓心胸大作基址須萬理明徹於胸中將此心放在天地間一劍看然後

可以語孔孟之樂須明三代法度通之於當今而無不宜然後爲全儒而可以語王佐事業須運用酬酢如探諸囊中而不匱然後爲資之深取之左右逢其原而直爲已物矣至於以天理人欲分數而驗賓主進退之機如好好色惡惡臭而爲天理人欲強弱之證必使之於是是非非如辨黑白如遇鑊錙不容有騎牆不決之疑則雖艱難險阻之中無不從容自適矣然後爲知之至而行之盡淳性孝母疾亟號泣于天乞以身代弟妹未有室家者皆婚嫁之葬宗族之喪無歸者居鄉不沽名徇



俗恬然退守若無聞焉然名播天下世雖不用而  
憂時論事感慨動人嘉定九年歸嚴陵郡守鄭之  
悌延講郡庠嘆張陸王學問無源全用禪家宗旨  
認形氣之虛靈知覺爲天理之妙不由窮理格物  
而欲徑造上達之境反托聖門以自標榜遂發明  
吾道之體統師友之淵源用功之節自讀書之次  
序爲四章以示學者明年特奏授廸功郎安溪主  
簿未上而沒著有話孟大學○○中庸口義字義  
詳講禮詩女學等書

宋史

楊仕訓字尹叔漳浦人朱熹守漳興學校明禮義以

福建續志

卷三十七

理學三

十四

教其郡之士擇士之志於學者置賓賢館以處之  
仕訓在選中獨能醇靜敏警體聖賢遺書而躬行  
之熹稱其學已知方慶元中成進士調古田尉再  
調海陽丞政尚寬和民有訟者以禮義曉譬多釋  
爭而去遷永福令推誠待物留意興學人士多頌  
其德湖廣總領請於朝願得廉靜吏董軍餉遂監  
鄂州糧料院至舉荆襄兩路軍儲以屬仕訓慨然  
任責未踰月卒友人黃幹陳淳深痛之歸葬官坡  
幹爲銘其墓仕訓事母至孝比死喪葬盡禮廬墓  
三年哀毀慘怛鬚髮爲白

道南源委



石洪慶字子餘臨漳人與同郡施允壽字伯和先後

為本州學正朱熹守漳且後並延至學稱二人以

耆艾之年進學不倦強毅方正眾所嚴憚

道南源委

李唐咨字堯卿漳州進士熹守漳與同郡貢士林易

簡字一之並延至學宮為諸士楷式稱其究索淵

微持循雅飭察其言行久益可觀

道南源委

朱飛卿漳州人受業於朱熹自言窮理事物紛紜

未能灑落處惟未見得富貴果不可求貧賤果不

可逃耳大全集中載其問答甚多

道南源委

陳思謙字退之龍溪人學問該博教授後學多所誘

### 福建續志

### 卷三十七

理學三

三

進嘗冠鄉薦著春秋三傳會同及列國類編朱熹

為語門人李唐咨以女妻焉

道南源委

黃學臯字習之龍溪人博通經史尤長於詩書春秋

朱熹守漳時學臯與同郡宋聞禮穉年講論先以

特奏各薦入試南宮策問三舍法弊學臯與伊川

請改試為課及制尊賢堂待賓齋以答主司曰此

必偽學徒也黜之後登嘉定進士調番禺簿帥趙

師楷每事必咨決而丞相崔與之時料院虞衡尤

所器重升鄱陽丞待制李性傳延入郡齋校勘朱

子續語錄因薦調泉州察推需次于家郡守方未



屈居學職哀論孟義利數章辨析界限以訓後進  
此至泉以廉稱著評古一則

道南源委

陳寢立名植以字行漳浦人祖景肅有學行師事高  
登與同邑吳大成隱漸山石榴洞登紹興進士授  
仙遊令薄賦輕徭旌善伐惡官至朝議大夫著禮  
疏詩疏及石屏擷翠集寢立幼學於世父淳以祖  
澤補太學生調龍溪令轉漳州司理淳祐中登進  
士提督嶺南海路兵馬帝昷浮海寢立提領海舟  
見事危斷維出港自以六舟泊梅嶺收亡命馳檄  
諸蠻圖立宋後聞張世傑覆舟元人索捕急遂變

福建續志

卷三十七

理學三

美

姓名匿于大芹白華九侯間臨終命葬海濱南望

崖山

道南源委

蔡逢甲字國賢臨漳人受業陳淳之門嘗與淳辨論  
河圖洛書同異及太極圖西銘相發明處稱其有  
特見登咸淳進士詔主廣東漕舉值宋亡入元不  
仕自號棄夫作悟道書院於玳瑁山下以隱焉時  
高其誼謂之故宋使臨歿自題墓碑曰前宋進士

蔡逢甲墓著使公講錄

道南源委

元

林廣發字明卿龍溪人嘗謂陳淳號北溪高登號東



溪蔡汝作號南溪自號三溪將兼而匹焉生平孝友以詩禮訓家庭規言矩行通貫六籍融會百氏爲後學矜式郡學三聘爲師以部使薦授安溪學職邑僚師事之會寇作奉府檄招降仍謀軍府事每俘至委訊曰此平民也府帥曰曷知之曰獲賊從巢穴此皆自井里得之者也時分置汀漳屯田萬戶府以廣發爲經歷屢有差遣不及理府事兵民請諸分省曰願還此官活我邊人著有三溪集

道南源委

王吉才龍溪人篤志古學尤明典禮郡守延爲弟子

### 福建續志

#### 卷三十七

理學三

七

師後爲泉州學正親終皆及期頤言才年老哀慕痛毀有如早喪雖在家庭亦冠衣歛容未嘗見其遽言怒色學者稱益齋先生

道南源委

明

劉宗道名駟以字行龍溪人洪武初以秀才被徵再三召試者八十人宗道對朝政家治稱旨賜第一上命學士詹徽密察德行尤異者復以爲首拜左都御史上格君德民二十事並見嘉納自是商議大政多所譏切遂爲邵質董希賢所構詔徙南詔不久貫還所過郡邑持之宗道遜於播州以俟朝



命上疑其久不至命索其家都察院檄其父寶使  
入海索之父至蜀以憂卒有詔必得劉某乃已其  
門人陳拯遇之播州告之故遂赴水死宗道明程  
氏學遠師陳淳其闢佛老甚嚴好修家禮鄉人稱  
愛禮先生有愛禮集十卷

道南源委  
參明詩綜

唐泰字師廓長泰人兼治五經尤邃於易登永樂進  
士授祁州知州有惠政後以儒學辟召試文淵閣  
賦麒麟頌明倫論稱旨欲大用之會大駕北征遂  
乞歸侍養四方之士受業日衆乃築草舍百餘間  
以居之隨才誘誨皆有成就如陳真晟謝璉林震

福建續志

卷三十七

理學三

天

陳疊皆出其門真晟卒能紹明正學爲名儒蓋淵  
源所漸焉常著思誠齋銘云大鈞運化品物流行  
賦之實理人惟物靈惟靈之思心爲誠主感物而  
動慎思爲美心源所發善惡之機徇象化物禁止  
自欺靜無妄發動無顛躓真積力久化而誠矣學  
者稱東里先生

府志

陳疊字尚勉漳浦人師事唐泰登正統進士歷官吏  
部文章政事爲世所重瓦剌犯邊守臣失策作備  
邊禦戎策以獻天順四年廣東盜起廷議必得陳  
某乃可除廣東布政使時英宗初辟勵精圖治召



入內殿賜宴遣之既至密相機宜討平新興撫定德慶蓬州等峒賊患遂息以疾乞休著有經籍要覽

梅菴存稿

道南源委

林雍字萬容龍溪人登景泰進士授行人以節操自厲憲宗初立上疏乞修德格天親賢講學復請進濂溪二程考亭于顏曾思孟之後列為八配兼祀陳淳於兩廡並不報舊例諸司屬吏部考察公獨不赴曰使某不肖黜之可也安能隨行俛首言科日貫籍耶遷車駕郎中乞歸結廬龍山累徵不起與陳真晟相師友日進徒侶講明正學倡建陳北

福建續志

卷三十七

理學三

五

溪祠于芝山之麓與鄉人月為會修藍田呂氏鄉約真晟稱其學始終本末有序有要督學周孟中謂其居官冰蘖未老乞歸漳中陳淳之後得正學之傳者首稱真晟與雍學者稱蒙菴先生道南源委許判字資黻漳浦人正德中領鄉薦通判瑞州嘗舉催科中撫字刑罰中教化之語朝夕諷誦為治六載上下悅服擢辰州同知蠻瓠悉安教化著家禮及諸書附註以相發明而約歸于儀禮禮記之義為禮圖及慎終集歐蘇譜例古深衣訂皆可傳述

道南源委



陳真晟字晦德鎮海衛人初治舉赴鄉試聞有司防  
察過嚴無待士禮耻之棄去由是篤志聖賢之學  
讀大學或問見朱子重言主敬知敬爲大學始基  
又得程子主一之說專心克治歎曰大學誠意爲  
鐵門關主一二字乃玉鑰匙也天順二年詣闕上  
程朱正學纂要其書首取程氏學制次采朱子論  
說作二圖一著聖人心與天地同運一著學者之  
心法天之運終言立明師輔皇儲隆教本數事以  
畢圖說之意書奏下禮部議侍郎鄒幹寢其事真  
晟歸聞臨川吳與弼方講學欲就問之過南昌張

福建續志

卷三十七

理學二

三

元禎止之宿與語大推服曰斯道自程氏以來惟  
先生得其真如康齋者不可見亦不必見也遂歸  
潛思靜坐自號漳南布衣卒年六十四真晟學無  
師承獨得於遺經之中自以僻處海濱出而訪求  
當世學者雖未與與弼相證要其學頗似之

明史

蔡烈字文繼龍溪諸生受業於蔡清清授以太極圖  
既又從莆田陳時周遊時周語以心體流行于日  
用間要叅見得參前倚衡氣象遂大省悟年方壯  
隱居於鶴鳴山之白雲洞郡守勸之仕對曰昔濂  
雕子自謂未信若其豈徒未信已哉實且未見也



嘉靖癸未以遺逸應薦力辭母老不赴御史李元陽爲建書院又辭不受忽所居之山如雷鳴者三日而烈卒烈性剛方晚年充養和粹終日危坐非劇病無惰容雖大橫逆不見怒色常游武彝山居考亭精舍數日而歸曰脚根自此定矣副使柯喬嘗與劇談道體潛天潛地烈曰道固察乎天地而端則始於夫婦若屋漏無愧則天地自位邑簿詹道請論心烈請論事曰孔門求仁未嘗出事外也堯舜之道孝弟而已矣夫子之道忠恕而已矣著有孝經定本大學格物致知傳道南錄朱子晚年

定論諸儒正論大儒粹言讀書錄諸書

道南源委

林一陽字復夫漳浦人領嘉靖鄉薦判濟南革糧例歲以萬計年饑賑濟得法以漕運後期調霍邱令振義勇均庸調行鄉約保甲法正鄉飲酒禮督學耿定向器重之部使者不悅其悃質遷唐府審理去民立石紀政一陽學以居敬窮理爲宗謂道至程朱有何不盡何須別立教門其爲人坦夷寡慾不言躬行宗族鄉黨莫不稱信嘗曰惟敬勝怠惟勤補拙惟儉養廉耿定向來撫閩中亟問之則久歿矣檄祭于社表其墓著有論學口義詩文集

道南



源委

周一陽字養初漳浦人究心理學隆慶間新置海澄以一陽應貢歷官儋州學正投檄歸嘗言大學言誠中庸言中論語言仁孟子言仁而兼義乃虞廷授受祇一中字故曰中也者天下之大本也其未發性也會一未發欄柄則隨所作用無施不可南道

源委

蔡宗禹字寶元漳浦人父大壯字丕禮受業於周瑛告以主敬之學充然有得以舉人任寧鄉知縣大書居敬二字于衙齋而銘之凡折獄必引經文爲

福建續志

卷三十七

理學三

三

斷民以事至邑者必問讀書乎則告以講習之法所有田宅以均諸兄弟著毛詩釋義宗禹剛介明敏讀書求大意不事鈎索父教以因經求道因物求知一日大省萬歷間貢入大學祭酒葉向高稱爲天下士登辛丑進士司李鎮江首嚴左道之禁勸諭空門還俗法令嚴明人莫敢犯惟罪跡未著或已著而情屬可矜者率多平反郡丞某以私害人宗禹爭之遂被劾謫湖州照磨尋授麗水令冰蘖自矢所得俸悉以興學校資貧士凡淫祠改爲書院而日與諸生談經講道曰吾所持以爲治者



此耳然天下事宜古不宜今者多矣凡諸政令有不便於民諸生匡我哉歲饑爲糜以濟全活萬數事聞陞刑部主事以疾乞歸講學於湖西書院終日正容危坐諸生曉集必拜有問必趨退則一揖而別自臨文以至灑掃應對莫不循循然有規矩几席之下儼若朝儀四方負笈來者至不能容結草廬以居嘗放舟湖上顧謂弟子曰活潑地何人解得向來到此塵慮盡消不啻如湖泉萬斛洗腸胃也先儒所謂吟風弄月有吾與點也之意爲學以力行爲主不儕流俗而婚娶喪葬一遵禮經或

以舉業爲道學病曰君但從程朱講解則舉業卽道學矣陳布衣有言程朱何嘗不科舉亦以其所學居敬窮理而得者以應試而已年七十餘卒平生屏絕異學有關邪崇正之功著有明誠解程朱要言續毛詩解史記一家言叢桂軒語錄杜詩註釋等書學者稱震湖先生

道南源委

黃道周字幼平漳浦人天啓進士改庶吉士授編修爲經筵展書官故事必膝行前道周獨否魏忠賢目攝之內艱歸崇正二年起故官進右中允三疏救故相錢龍錫得減死遯疾求去瀕行上疏曰臣



自幼學易以天道爲進一考其治亂百不失一陛下御極之初正當師之上一九其次云大君有命開國承家小人勿用陛下思賢才不遠得懲小人不易絕蓋陛下有大君之寶貝而小人懷干命之心臣所見諸大臣皆無遠猷治朝守者以督責爲要談治邊疆者以姑息爲上筭次序仁義道德則以爲迂昧奉刀筆簿書則以爲知務一切磨勘則葛藤終年一意不調而株連四起惟陛下超然省覽旁稽載籍自古迄今決無吹毛數睫可奏三五之治者彼小人見事智每短於事爭前言每多於事後亂視熒

聽浸淫相欺馴生極壞不可復挽臣竊危之帝不憚摘葛藤株連數語令具陳復上言曰邇年諸臣所目營心計無一實爲朝廷者其用人不過推求報復而已此非所謂葛藤株連乎今諸臣之才具心術陛下其知之矣知其爲小人而又以小人矯之則小人之焰益張知其爲君子而更以小人參之則君子之功不立語皆刺大學士周延儒溫體仁帝益不憚斥爲民尋復故官時久旱修省道周言近者中外齋宿爲一百姓請命而五日內繫兩尚書安望其贊平明之治乎又言陛下寬仁宏宥有



身任重寄至七八載固效擁權自若者當此南北  
交訐奈何與細民修睚眦之隙乎時體仁方構東  
林復社之獄故道周及之旋進右論德掌司經局  
因言已有三罪四耻七不如三罪四耻以自責七  
不如中有文章意氣不如鄭鄮語鄮方被杖母大  
詬帝得疏駭異責以顛倒是非道周疏辨帝怒嚴  
旨切責道周以文章風節高天下嚴冷方剛不諧  
流俗公卿多畏而忌之乃藉不如鄭鄮爲口實其  
冬擇東宮講官張至發當國擯道周不與遂移疾  
乞休不許凡所建白未嘗得一俞旨會廷推閣臣

道周已充日講官遷少詹事得與各帝不用用楊  
嗣昌等五人道周劾嗣昌陳新甲遼撫方一藻三  
疏同日上之帝疑其以不用怨望下吏部行譴嗣  
昌因言鄭杖母禽獸不如今道周又不如鄮立心  
可知因自乞罷免帝優旨慰之召內閣及諸大臣  
於平臺併及道周帝問道周曰爾三疏適當廷推  
不用時果無所爲乎對曰臣三疏皆爲國家綱常  
自信無所爲帝曰先時何不言對曰先時猶可不  
言至簡用後不言更無當言之日惟孝弟之人始  
能經綸天下不孝不弟者根本旣無安有枝葉嗣



昌曰臣豈不知父母顧君臣固在父子前且仁不遺親義不後君難以偏重臣四疏力辭聞道周人品爲人宗師乃不如鄭鄴帝曰然乃問曰爾言不如鄭鄴何也對曰臣言文章不如鄭鄴耳帝曰鄴杖母者爾言不如豈非朋比對曰衆惡必察帝曰喪固凶禮豈遭凶者卽凶人對曰古三年喪君命不過其門故軍禮鑿凶門而出奪情在疆外則可朝中則不可我朝自羅倫論奪情前後五十餘人多在邊疆故嗣昌在邊疆則可在中樞則不可今在政府尤不可帝以少正卯比之對曰少正卯心

術不正臣心無一毫私帝命出候旨道周復奏辨乃召文武諸臣咸聆戒諭而退時帝憂兵事謂可屬大事者惟嗣昌道周失帝意帝欲加以重罪會劉同升趙士春亦劾嗣昌將予重譴而部擬道周譴顧輕嗣昌亟購劾道周者刑部主事張若麒謀改兵部遂上疏劾之帝傳諭廷臣貶道周江西按察司照磨若麒果得兵部巡撫解學龍薦所部官推獎道周備至帝遂發怒立削二人籍下刑部獄並杖八十移鎮撫司掠治乃還刑部獄逾年尚書劉澤深等言二人罪至永戍止矣乃永戍廣西戍



經年一日帝召輔臣入文華後殿問曰張溥張采何如人也皆對曰讀書好學人也時延儒復相而嗣昌已死欲參用公議爲道周地卽對曰張溥黃道周徒以其善學故人人惜之餘皆言道周至孝且極清苦帝不答傳旨復故官旣召還道周見帝泣臣不自意今復得見陛下以疾請假許之福王監國用爲吏部左侍郎陳進取九策拜禮部尚書明年祭告禹陵瀕行陳進取策時不能用南都亡見唐王聿鍵於衢州以爲武英殿大學士時政歸鄭氏道周請往江西圖恢復得義旅九千餘人由

福建續志

卷三十七

理學三

三

廣信進娶源遇

大清兵戰敗被執至江寧囚服著書臨刑過東華門曰此與高皇帝陵寢近可死矣監刑者從之道周學貫古今所至學者雲集銅山有石室道周坐臥其中故稱石齋先生精天文歷數皇極諸書所著易象正三易洞璣及太函經用以推驗治亂歿後家人得其小冊白謂終於丙戌年六十二始信其能知來也

明史

林祺龍溪諸生少豪宕不羈後乃收斂力行閉戶著書人無知者母沒哀毀骨立足不出門年三十餘



卒所輯有續伊洛淵源錄考亭源流錄考亭麗澤錄高東溪遺澤錄陳布衣文抄漳獻備忘漳文備忘古今指掌錄

道南源委

國朝

蔡世遠字聞之漳浦人其六世祖大壯嘗從周瑛傳主敬之學五世祖宗禹爲學以力行爲主父璧羅源學教諭有醇行世遠少承家學儀封張伯行撫閩延璧主鰲峰書院而招世遠訂證先儒遺書丙夜手丹黃不輟尋受業李光地之門以聖賢爲必可學益蒐討經書疑義學日邃密登康熙己丑進

福建續志

卷三十七

理學三

三

士改庶吉士乞養歸以孝友聞鄉里父卒哀毀幾不勝喪嘗設族規置大小宗祭田藉其餘以食孤嫠老疾鄉人化之服闋赴京師會翰林科道在假者並令休致或勸世遠以居憂列狀吏部世遠曰古者受爵則讓未聞投牒以自申也將歸以光地薦較

御纂性理精義踰歲書成又不欲以編書得官遂還里閩撫陳瓊聘爲鰲峰山長以躬行教門下士聞其指畫悉感興於正學先行謹而後詞章當是時臺寇朱一貴爲亂漳泉震動總督滿保率師討之世



遠方家居集鄉勇團練供伍齊肅井間恃以無恐  
復遣滿保書略曰昔曹彬破江南忽稱疾不視事  
諸將咸問疾疇曰吾之疾非藥石可已但願諸君  
克城之後不殺一人則疾愈矣虞詡戒諸子曰吾  
事君直道行已無虧所悔爲朝歌長時殺賊百餘  
人其中何能不有冤者今臺灣故土故民特一時  
脅驅爲盜耳伏望飭將士約以入臺不妄殺人庶  
幾曹彬之仁而無虞詡之悔矣臺灣旣平世遠又  
遺書勸令悔選廉能興教化以美風俗和兵民以  
固地方內地遺親之民有司不得擅給符過臺以

福建續志

卷三十七

理學三

三

遏其助亂之心新墾散畊之地不必按籍編糧恐  
擾其樂生之計滿保從之人戴其惠

世宗嗣位召授編修侍

今皇帝講讀累遷至禮部左侍郎充

經延講官每進講經書史傳輒引之身心發言處事  
之際致辨于興亡理亂君子小人消長心迹異同  
之間反覆陳列如是者十年同朝嘗稱曰忠信正  
直學足以達其言誠足以致其志洵所謂惟其人  
者也雍正八年以族人事牽引吏議應鐫一級  
命仍其故官方嚮用之遘疾卒



今皇帝御宇贈禮部尚書謚文勤年五十二世遠性  
淡泊好善恐不及既貴士有志行文藝必躬先禮  
焉得祿賜悉及姻族舊知妻子僅免寒饑其著書  
一原本所學一要於誠有鼇峰學約朱子家禮輯要  
合族家規各一卷性理精要歷代名臣言行錄論  
定古文雅正漢魏六朝四唐詩各若干卷文集十  
五卷行于世

福建續志

卷三十七

理學三

甲